

黃梅縣志卷十二

建置志

水利

岷江奔瀉彭蠡濃澹梅介其間疆理縱橫山澗在後瀑濺雷鳴外重堤塍內資塘堰築土鳩工宜勤完繕防禦旣堅灌溉亦徧廣疏溝洫競治田疇毋使橫溢乃慶有秋時哉勿失未雨綢繆志水利

〔河堰〕邑古角龍坪小溪考田等處皆崇山峻嶺溪水下注各成一河沿河築壩以防汎濫穿竇開堰以資灌溉於是山田始收其利而各河蜿蜒入湖經三四十里所歷平原曠

黃梅縣志

卷十二

水利

一

野兩岸皆有壩有堰於是阪田始收其利脩堰之制或石或版計畝釀金各有簿錄天乾放水按畝分番各有部署其首尾所不及亦閒有池塘地勢宜然也

〔塘港〕上沿黃花及無河等處山勢漸趨平壤山腳之溝深廣不踰尋丈水無所瀦於是築岸爲塘引水成港大率田居其十水居其一藉資灌溉其修放之法與堰相若而兼可養魚享有餘利

〔外堤〕自廣濟界牌石入邑蔡山地方爲保賽口下長若干丈爲涼亭口下長若干丈爲丁家口外設大灣塘下長若干丈爲商家口下長若干丈爲沙灣口外爲黃泥口塘以上

數口俱高均蔡山地方下長若干丈至新開地方爲潘興口外爲余家匯塘此口地勢稍低距江近最險要堤內有何家口月堤解家口月堤幫護下長若干丈至德化何家堡經蘄衛王家口約計三十里入邑謝灘地方爲馬路口下長若干丈過蘄衛沈家口又爲邑梅家口下長若干丈爲胡家口下長若干丈入楊穴地方爲楊家口一號下長若干丈歷蘄衛鍾伍堤汪家口金家口爲楊家口二三號下長若干丈歷蘄衛蒲塘口爲楊家口四號下長若干丈爲劉左口歷蘄衛正港口段姚街駐此正港口隄盡爲邑董家口下長若干丈入江南宿松界是隄濱長江百餘里

舊名康公隄乃明康武毅茂才築以障江流者累脩于邑令楊本俊范國超年代已遠不能悉詳明萬歷三十六年洪水泛溢決口數十處邑令桂生芝沿隄周濟請帑建隄自保賽口至董家口高廣倍昔百姓利賴名曰桂公隄

國朝康熙四十四年巡撫劉奏准空壓田畝公議攤補立有碑記雍正乾隆間知縣李珣楊黼時遍脩諸口挽築月隄不數年又漸塌缺乾隆二十年江水北泛隄勢甚危知縣薛乘時按畝均夫晝夜搶築始得無恙其空壓田地悉照舊例攤補又自楊家口堤起下至宿松界名石公隄卽桂公隄尾也緣彭蠡北注江岸衝撼崩塌楊穴一帶又低下上

通太白源感諸湖險汛可慮順治閒邑舉人石鎮國官廬鳳道駐皖城檄會松化梅三邑會脩作堡房堤上令民駐守又飭積穀備歲脩一時利賴後因地界三邑人各異心日漸傾頽康熙雍正閒知縣戴紹祖李珣均經脩築有碑

紀事 舊志

〔內隄〕自外隄沙灣口起名桎丫壩下長若干丈至王家口又長若干丈至孔壠爲孔壠塘轉東南行下長若干丈過嚴家閘至塘穴爲塘司月又下長若干丈抵外隄馬路口止隄內爲塘穴等處地土平行內有南北柴池湖及化邑封郭二洲隄外爲太白湖尾溢入謝灘鎮爲賽感湖夏漲則

湖水南汎萬歷四十八年邑令鍾顓俊因築是隄以障湖

水名鍾公隄 舊志

前二條俱舊志所載內稱外隄乃康公茂才所築似失實據德化志載封郭洲隄係明萬歷三年江西巡撫楊成督德化令俞汝爲創建綿亘三十里並約楚當塗築隄數百丈與是隄接則外隄後二百年始有何得云康公康公所築係今驛路隄卽昔之江隄前此隄外皆濱江窪土後漸淤滿成熟始行建圩名潘興此前後大較情形也又稱內隄係萬歷四十八年縣令鍾顓俊所築名鍾公隄後敍嚴家閘又云梅築內隄防湖患於是化邑二洲水無所洩萬

歷三十五年買得嚴姓田地開河建閘前敍建隄在四十八年後敍因隄開閘在三十五年前後倒置自相矛盾舊志之不可盡信明矣惟是各口遞接相距丈數雖今昔不同而名目段落次第敍記昭然仍舊存之以備攷驗其自乾隆以後脩建及疊次崩江遷隄各情事一一釐定詳載於後

沿江隄

即外隄

自廣濟界牌石保賽口起至潘興圩汪家廟止

計長七千餘丈過化邑封郭隄又自馬路口起至宿松之同仁隄止計長三千餘丈中間上段之涼亭口丁家口商家口沙灣口潘興口下段之梅家口胡家口楊家口劉左

口正港口董家口其相距丈數各有分壩冊可稽第近年來江岸崩塌壩腳屢移上段惟新開街市坍卸吸成龍蕩移退東北四五里許餘無甚變易下段謝楊二鎮則崩徙頻仍不知紀極有邑人楊才藻江隄畧云粵自乾隆未知府初之璞建長江隄名初公口歷嘉慶道光間地勢情形無大更變道光十一年洪水泛溢初公隄潰決無存謝楊二鎮江沙瀰漫望之如堆灰積雪十二年知縣鄧蘭薰請帑數萬自張家界至段姚翻沙取土建長隄二十餘里以江岸逼近內移二三里至此情形一變十三年又大水楊家口連劉左口潰數百丈十四年知縣賴以立與前任鄧

分責賠脩隄腳又內移里許二十八年水愈大楊劉二口潰千餘丈是歲荒甚知縣金崇城詳請以工代賑於二口潰處新建隄千餘丈江岸愈偏隄又內移一二里至此情形又一變二十九年巨浸稽天爲數百年所未有不惟所脩新隄沖潰無存卽村庄房屋民屯田地漂沒沖壓殆盡邑之清江段姚二鎮市從此就廢三十年春知縣鮑開運稟借閒款數萬金脩隄是屆工程第沙上加隄未掘沙取土隄亦內移一二里至此情形則大變咸豐初隄幸無恙而崩坍猶未止八年知府周炳鑑奉檄勘坍塌沙壓詳覆有云某至該處履勘其地勢低窪迎溜頂衝不數年恐所

潰沙壓田地無有卽一帶長隄難保無患其言果驗九年江岸陡卸楊家口至董家口一帶勢如裂帛或一塌數十丈或一塌百餘丈十年至同治五年闔縣照糧攤費知縣覃瀚元連挽月隄五次六年知縣多壽自正港口至董家口又挽月隄一次至此情形愈一大變七年楊家口隄因前鮑令未掘沙水浸沙浮潰數十丈八年知縣楊應桓派費築潰口於內復挽月幫護夏大汛劉左口又潰數百丈地低水激舒公章湖等圩並許黃二伍盡被沖壓無復田廬景象九年知縣覃瀚元請款萬餘金從楊家口四號起至董家口抵宿松隄止建脩新隄隄腳內移三四里至此

情形變易極矣夫昔年江岸有洲洲內有套套內有民屯
田地始行建隄隄內有段姚街市及眾姓居址田地越四
十餘年新建長隄四次補挽月隄七次所移入十餘里之
地俱落江心桑田滄海之說不信然乎此畧最爲詳明附
錄存驗

驛路隄

即內隄

自丁字壩起至孔壠楊泗廟止長七千二百二
十丈自楊泗廟起歷王家壩至黃泥塘止長三千六百丈
共一萬零八百二十丈此隄實係康公所建後來疊次修
築不能悉載同治八年大水沖潰十年春梅化兩邑曾經
會稟湖廣制憲李江西撫憲劉 奏撥釐局官錢修復

內湖隄自周宣口起歷白湖馮家圩至孔西馬坊口止計長
七千八百四十丈又自穀壩頭起歷聶家圩邢家圩周成
一圩至嚴家閘止計長五千四百丈又自嚴家閘起歷板
橋至毛家店止計長六千三百丈計全隄共長一萬九千
五百四十丈自周宣口至白湖渡隄工障上游太白湖水
折而南抵馬坊口十里白穀壩頭歷嚴家閘至毛家店隄
工緣近年下游湖水泛漲沿湖田廬盡淹知縣覃瀚元董
率紳民修築此隄編列接壤大圩連化閘儼然湖內一長
城十四字號經營數年訖工障下游源感涉諸湖水不致
上侵隄內地勢窪下而遼闊比年保固已見成效

曾公隄自孔壠東北行經白湖渡中路庵至濯港北止計三十餘里緣太白湖水南阻王文通圍東趨白湖渡達黃連入源感湖下濕泥瀆行路艱難乃於渡口南北橫建長隄以遏水勢俾其直下而此隄高燥遂成官道蓋萬歷十年署縣事曾維倫捐俸所建者也萬歷四十八年知縣鍾顛俊捐俸勸脩廣爲增益覆沙其上沿途樹柳時人又名鍾公隄

國初三藩反側師旅頻經兼以連年水患馬蹂其脊水齧其根在在如脫齒裂膚矣康熙十五年知縣李成林及縣佐樓自新捐俸脩築隄復如初立有碑記迨後又漸卑平行人

苦之至乾隆十八年里人何士清又爲募脩道光間邑國學石景熙屢奉札脩培

民隄蔡山鎮四處顏家圩周家圩嚴家圩張家圩新開鎮二處新建圩子壩圩謝灘鎮十四處板橋圩張家圩廖家圩趙家圩劉家圩翟家圩嚴家圩袁家圩陳家圩王家圩新圩莊家圩魏家圩費家圩楊穴鎮二十處楊家大圩張湖圩舒公圩楊家小圩張家圩張家小圩周家圩梅家圩梅家新圩王家圩劉家圩方家圩詹家圩梅家大圩湯家圩馮家圩張家新圩周家大圩段家圩李家圩黃花鎮一處何家圩上沿鎮一處李家圩塘穴鎮十五處嚴家圩李冕

圩范家圩殷家圩殷家細圩石家圩王家圩王家新圩王
家頭圩王家二圩蔡家圩劉家圩沈家北圩沈家南圩十
家圩孔壠鎮十處高家圩楊隄圩熊家圩九房圩梅家圩
項家圩沈家圩湯家圩陳家巷圩碗兒圩山南鎮八處陳
家圩和尚圩段家圩祝家圩忙槌圩大圩細圩鍋巴圩張
湖鎮五處鄭家圩程家圩熊家圩張家圩先稻圩黃連鎮
十處劉家大圩劉家細圩汪家圩蔣家圩李家圩破圩五
祖圩項家圩段家圩新圩濯港鎮三處袁家圩陶家圩傅
家圩路途鎮六處桂家大圩桂家細圩余家圩張家圩范
家圩詹家圩白湖鎮七處蘇家圩王家新圩易家圩瞿家

圩王家圩馮家圩新立圩墩塘鎮一處王家大圩以上一
十五鎮共圩一百八座惟墩塘鎮王家大圩名王文通圍
長大而有裨官隄自白湖渡南岸起西南至廣濟龍坪界
抵外隄涼亭口止綿亘二十餘里圍田地數萬畝內有羅
家橋杉木橋外有陶公橋以爲蓄洩太白湖水南漫大圩
民隄足以遏之西南官隄賴以障蔽乾隆十三年冬奉本
府王檄爲遵飭查核事奉布政司抄奉撫部院彭牌開乾
隆十三年十月二十日本部院摺奏臣於二月內抵任後
接讀

諭旨將湖河灘地禁止侵佔一案作何辦理之處查明具奏隨經

檢查舊案以楚省積水之區俱係納有糧課並非官湖可容侵佔至湖邊江岸隙地私築小垵歷係嚴行禁止等因聲明覆奏在案半載以來臣時時留心體察兼採輿論乃知其閒仍有尙需籌畫者蓋少一阻水之處卽多一容水之區則私垵之設不可不旣乎其實也查荆襄一帶江湖袤延千有餘里一遇異漲必藉餘地以資容納考之宋孟珙知江陵時曾脩三海八櫃以設險而瀦水後豪右據以爲田汪葉力復之又荆州舊有九穴十三口以疏江流會漢水是昔之策水利者大都不越以地予水之說也自滄桑變易故迹久湮現在大江南岸止有虎渡調弦黃金等

口分疏江流南入洞庭汛漲時稍殺其勢至漢水由大澤口分派入荆夏秋汛漲又上承荆門當陽諸山之水匯入長湖下達潛監瀾漫無際所恃以爲蓄洩者譬諸一人之身江邑之長湖桑湖紅馬白鷺等湖胸膈也監潛沔陽諸湖下達沌口尾閘也其閒濚洄盤折之支河港汊則四肢血脈也胸膈欲其寬尾閘欲其通四肢欲其周流無滯無如三襄之水性濁多沙最易淤積有力者因之趨利如鶩始則于岸腳湖心多方截流以成淤繼則藉水糧魚課四圍樂隄以成垵在小民計圖謀生惟恐不廣而不知人與水爭地爲利水必與人爭地爲殃川壅而潰蓋有自矣臣

伏查舊案接據荆宜施道屠嘉正安襄鄖道王槩議將未
有之垸永禁私築已潰之垸不許脩復等因詳請飭遵補
偏救弊誠爲允當惟是利之所在民間每不憚百計以求
勝而地方有司未能規及遠大少不留意則私築之弊仍
有不能免者縱令道府清查而曾否加添究屬無憑臣再
四熟籌竊以爲積習旣成挽回非易今欲復三海八櫃之
舊勢誠不能亦必杜其將來而不使垸之增多則當先查
其現在而確知垸之定數惟有檄飭各該州縣於冬春之
際親行履勘將該州縣所有現垸若干各依土名查造清
冊由府核定賫送各衙門存案嗣後卽以此次所查著爲
定數聽民安業此外永遠不許私自加增卽一垸之內亦
不得再爲擴充仍令該道員於本年出巡之便逐細詳查
加結具報則有無增添按冊可稽而各州縣之實心奉行
與否亦可藉以查核勸懲至此後遇有淤灘原係民間納
糧之地或種麥豆或取柴草均聽自便但不得另築垸堦
以防水路如此則愚民不致因小失大地方有司亦不敢
姑息怠玩自遺參處而與水爭地之錮習或可稍息矣所
有臣查明水道情形各現在籌辦緣由恭摺奏明伏乞

睿鑒謹

奏乾隆十三年十一月二十八日奉到

硃批只可如此辦理知道了等因抄奉由司行府卽便欽遵查照

飭縣履勘將現在之垸各依土名查造清冊由府核定賈
送存案嗣後卽以此爲定數永遠不許私自加增亦不得
再爲擴充仍聽該管道員於出巡之便逐細詳察加結具
報 院憲并移本司查考章程定後按冊可稽地方官果
能實心奉行自不致再有加增擴充之事倘敢姑息怠玩
查出飛揭嚴參等因抄案到縣知縣任重履勘將現在之
垸各依土名查造清冊五本由府查核賈送存案至今永
遠遵行 舊志 今圩名更易圩數增減類多不同如蔡山之
翟家圩高家西圩新遠圩孔壠之聶家圩邢家圩周成一
圩塘穴之江家圩廖家圩三斗坵圩七斗坵圩軍圩南圩
則更其名新開之寶興圩福興圩濯港之陳家沙圩魏家
圩蔡家沙圩則增其數謝灘之統眾圩爲板橋圩則又減
其數今昔變遷考古者不可執一以論也

〔嚴家圍〕在塘穴鎮驛路隄上其西南爲德化封郭二洲緣梅
邑築驛路隄以防湖患於是化邑二洲水無所洩歲苦淹
沒萬歷三十五年化邑知縣孫同倫相地形勢惟梅邑塘
穴驛路隄建閘俾水北出感湖爲便因具文詳請兩省督
撫會題允行梅庠生嚴復所慨將田地一墩與化邑開河
建閘其水道寬五丈長十五里化民運土載版以時修築
每歲認納水道錢糧一十兩零四錢其銀額編封郭兩鄉

正供之內里民交納復所子孫每年具帖領收永爲定例
舊志

按內湖隄十四字號內儼城二字號工險土難知縣覃瀚
元捐錢六伯七十五串置買孔壠三泰錢舖基屋壹座每
年賃租以作儼城二號歲修錢糧撥入公基內完納通稟
立案